

1 января, мч. Вонифатия Тарсийского

1 января, мч. Вонифатия Тарсийского

3-й час

Священник: Благословен Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, **(12 раз)**

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

Псалмы

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаголют уста моя дел человеческих,

1 января, мч. Вонифатия Тарсийского

за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгонящие мя ныне обидоша мя, очи свои возложаша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внегда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все пути Господни милость и истина, зыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобиви и правии прилеплюся мне, яко потерпех Тя, Господи. Избави, Боже, Израиля от всех скорбей его.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и

1 января, мч. Вонифатия Тарсийского

тайная премудрости Твоя явил ми еси. Окропиши мя иссопом, и очищуся, омьёши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Тропари

Слава Отцу, и Сыну, и Святому Духу.

Тропарь мч. Вонифатия Тарсийского, глас 4

Мученик Твой Господи, Вонифатий, / во страдании своем венец прият нетленный от Тебе Бога нашего: / имейяи бо крепость Твою, / мучителей низложи, / сокруши и демонов немощныя дерзости, / того молитвами / спаси души наша.

И ныне, и присно, и во веки веков. Аминь.

Богородичен: Богородице, Ты еси лоза истинная, / возрастившая нам Плод живота, / Тебе молимся: / молися, Владычице, со святыми апостолами / помилувати души наша.

Господь Бог благословен, / благословен Господь день дне, / поспешит нам Бог спасений наших, / Бог наш, Бог спасати.

Святой Боже, Святой Крепкий, Святой Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный

1 января, мч. Вонифатия Тарсийского

даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Кондак

Кондак мч. Вонифатия Тарсийского, глас 4

Священие непорочное самовольне Тебе привел еси, Иже от Девы тебе ради родитися хотящему, / святе венченосче, премудре Вонифатие.

Господи, помилуй **(40 раз)**.

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй **(Трижды)**.

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Именем Господним благослови, отче.

Священник: Молитвами святых отец наших, Господи, Иисусе Христе, Боже наш, помилуй нас.

Чтец: Аминь.

Молитва святого Мардария

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имже веся судьбами, спаси мя, недостойного раба Твоего, яко благословен еси во веки веков, аминь.

6-й час

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалмы

Псалом 53

Бóже, во імя Твое спасі мя, и в сіле Твоей суді ми. Бóже, услыши молитву мою, внуші глаголы уст моих. Яко чуждии восташа на мя и крѣпцыи взыскаша дѹшу мою, и не предложіша Бóга пред собою. Се бо Бог помогает ми, и Господь заступник души моей. Отвратит злая врагом моим, истиною Твоею потребі их. Волею пожру Тебѣ, исповѣмся имени Твоему, Господи, яко благо, яко от всякия печали избавил мя еси, и на враги моя воззрѣ око мое.

Псалом 54

Внуші, Бóже, молитву мою и не презри молѣния моего. Вонмі ми и услыши мя: возскорбѣх печалию моею и смятохся. От гласа вражия и от стужѣния грѣшника, яко уклоніша на мя беззаконіе и во гнѣве враждоваху ми. Сердце мое смятѣся во мне и боязнь смѣрти нападе на мя. Страх и трѣпет прииде на мя и покры мя тьма. И рех: кто даст ми криле, яко голубине? И полещу, и почию? Се удаліхся бѣгая и водворіхся в пустыни. Чаях Бóга, спасающаго мя от малодушія и от бѹри. Потопі, Господи, и разделі языки их: яко видѣх беззаконіе и пререканіе во граде. Днем и нощію обѣдет ѣ по стенам его. Беззаконіе и труд посреде его и неправда. И не оскуде от стогн его лихва и лѣсть. Яко аще бы враг поносил ми, претерпѣл бых ѹбо, и аще бы ненавидяи мя на мѹ велеречевал, укрыл бых ся от него. Ты же, человекѣ равнодушне, владыко мой и знаемый мой, ѣже купно наслаждался еси со мною брашен, в дому Бóжии ходихом единомышленіем. Да приидет же смерть на ня, и да снідут во ад живи, яко лукавство в жилищах их, посреде их. Аз к Бóгу возвах, и Господь услыша мя. Вѣчер и заутра, и полудне повѣм, и возвещу, и услышит глас мой. Избавит миром дѹшу мою от приближающихся мне, яко во мнозе бяху со мною. Услышит Бог и смирит я, Сый прѣжде век. Нѣсть бо им изменѣния, яко не убояшася Бóга. Простре руку свою на воздаяніе, оскверниша завет Его. Разделишася от гнѣва лица Его, и приближишася сердца их, умякнуша словеса их паче елѣа, и та суть стрѣлы. Возверзи на Господа печаль твою, и Той тя препитает, не даст в век молвы праведнику. Ты же, Бóже, низведѣши их во студенѣц истлѣния, мужіе кровей и лѣсти не преполовят дней своих. Аз же, Господи, уповаю на Тя.

Псалом 90

Живыи в помощи Вышняго, в крове Бóга небеснаго водворитя. Речет Господѣ: Заступник мой еси и прибежище мое, Бог мой, и уповаю на Него. Яко Той избавит тя от сѣти ловчи и от словеса мятѣжна, плещма Своима осенит тя, и под криле Его надеешися: оружіем обѣдет тя истина Его. Не убойшия от страха ночнаго, от стрѣлы летящия во дни, от вещи во тьме преходящия, от сряща и беса полуденнаго. Падет от страны твоея тысяща, и тьма одесную

1 января, мч. Вонифатия Тарсийского

тебѣ, к тебѣ же не приближится, обаче очима твоима смотриши и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова, и избавлю и, покрыю и, яко позна имя Мое. Воззовет ко Мне, и услышу его, с ним есмь в скорби, изму его и прославлю его, долготою дний исполню его и явлю ему спасение Мое.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

Господи, помилуй *(Трижды)*.

Тропари

Слава Отцу, и Сыну, и Святому Духу.

Тропарь мч. Вонифатия Тарсийского, глас 4

Мученик Твой Господи, Вонифатий, / во страдании своем венец прият нетленный от Тебе Бога нашего: / имеяй бо крепость Твою, / мучителей низложи, / сокруши и демонов немощныя дерзости, / того молитвами / спаси души наша.

И ныне, и присно, и во веки веков. Аминь.

Богородичен: Яко не имамы дерзновения за премногия грехи наша, / Ты иже от Тебе Родшагося моли, Богородице Дево, / много бо может моление Матернее ко благосердию Владыки. / Не презри грешных мольбы, Всечистая, / яко милостив есть и спасти могий, / Иже и страдати о нас изволивый.

Скоро да предварят ны щедроты Твоя, Господи, / яко обнищавом зело; / помози нам, Боже, Спасе наш, / славы ради Имене Твоего, Господи, избави нас / и очисти грехи наша, Имене ради Твоего.

Святый Боже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

1 января, мч. Вонифатия Тарсийского

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Кондак

Кондак мч. Вонифатия Тарсийского, глас 4

Священіе непорóчное самовóльне Тебé привёл еси́, Ёже от Дёвы тебé ра́ди родітися хотя́щему, / свя́те венченóсче, премúдре Вонифатіе.

Гóсподи, помілуй **(40 раз)**.

Ёже на всякое время и на всякий час, на Небесі и на земли, покланяемый и славимый, Христё Бóже, Долготерпеліве, Многомíлостиве, Многоблаготрóбне, Ёже праведныя любя́й и грешныя мíлуяй, Ёже вся зовы́й ко спасёнію обеща́ния ра́ди б́дущих благ. Сам, Гóсподи, приими́ и на́ша в час сей мо́литвы и испра́ви живóт наш к за́поведем Тво́йм, д́уши на́ша освя́ти, телеса́ очисти, помышлёния испра́ви, мы́сли очисти и изба́ви нас от всякія скóрби, зол и болёзней, ограді нас святы́ми Тво́ими А́нгелы, да ополчёніем их соблюда́еми и наставля́еми, достíгнем в соединёние вёры и в ра́зум неприст́упныя Твоея́ славы, яко́ благословён еси́ во ве́ки веко́в, аминь.

Гóсподи помілуй **(Трижды)**.

Сла́ва Отц́у и Сы́ну и Свято́му Д́уху, и ны́не и прісно и во ве́ки веко́в. Аминь.

Честне́йшую Херуві́м / и сла́внейшую без сравнёния Серафі́м, / без ислёния Бóга Сло́ва ро́ждшую, / с́ущую Богоро́дицу, Тя велича́ем.

И́менем Госпо́дним благослови́, óтче.

Священник: Мо́литвами святы́х оте́ц на́ших, Гóсподи, Иису́се Христё, Бóже наш, помілуй нас.

Чтец: Аминь.

Молитва свт. Василия Великого

Бóже и Гóсподи сил и всея́ тва́ри Содётелю, Ёже за милосёрдие безприкла́дныя мíлости Твоея́ Единоро́днаго Сы́на Твоего́, Гóспода на́шего Иису́са Христа́, низпосла́вый на спасёние ро́да на́шего, и честны́м Его́ Крестомъ рукопи́сание грех на́ших растерза́вый, и победі́вый тем нача́ла и вла́сти тьмы. Сам, Влады́ко Человеколю́бче, приими́ и нас, грешных, благодарственныя сия́ и моле́бныя мо́литвы и изба́ви нас от всякаго всегубі́тельнаго и мра́чнаго прегрешёния и всех озло́бити нас и́щущих в́димых и нев́димых враг. Пригвозди́ стра́ху Твоему́ плóти на́ша и не уклони́ серде́ц на́ших в словеса́ или́ помышлёния лука́вствия, но любóвию Твоею́ уязви́ д́уши на́ша, да, к Тебё всегда́ взира́юще и ёже от Тебё свётом наставля́еми, Тебё, неприст́упнаго и присносу́щнаго зря́ще Свёта, непреста́нное Тебё исповёдание и благодарёние возсыла́ем, Безнача́льному Отц́у со Единоро́дным Тво́им Сы́ном и Всесвяты́м, и

1 января, мч. Вонифатия Тарсийского

Благим, и Животворящим Твоим Духом ныне, и присно, и во веки веков,
аминь.

Божественная Литургия свт. Иоанна Златоуста

Тропари по входе

Тропарь дня

В четверг, апостолов, глас 3

Апостоли святии,/ молите Милостиваго Бога,/ да
прегрешений оставление// подаст душам нашим.

В четверг, святителя Николая, глас 4

Правило веры и образ кротости,/ воздержания учителя/
яви ты стаду твоему/ Яже вещей Истина./ Сего ради стяжал
еси смирением высокая,/ нищетю богатая,/ отче
священноначальниче Николае,/ моли Христа Бога,//
спастися душам нашим.

Тропарь храма

Тропарь праздника/святого

Тропарь мч. Вонифатия Тарсийского, глас 4

Мученик Твой Господи, Вонифатий,/ во страдании своем
венец прият нетленный от Тебе Бога нашего:/ имей бо
крепость Твою,/ мучителей низложи,/ сокруши и демонов
немощныя дерзости,/ того молитвами// спаси души наша.

Кондак дня

В четверг, апостолов, глас 2

1 января, мч. Вонифатия Тарсийского

Твёрдыя и боговещанныя проповедатели,/ верх апóстолов Тво́их, Го́споди,/ прия́л еси́ в наслажде́ние блаѓих Тво́их и поко́й;/ болéзни бо о́нех и смерть прия́л еси́ па́че всякаго всеплóдия,// Еди́не свéдый сердéчная.

В четверг, святителя Николая, глас 3

В Мíрех, свя́те, священноде́йствитель показáлся еси́,/ Христóво бо, преподóбне, Евáнгелие испóлнив,/ положи́л еси́ ду́шу твою́ о лю́дех тво́их/ и спасл еси́ непови́нныя от смéрти./ Сего́ ра́ди освяти́лся еси́,// я́ко вели́кий таи́нник Бо́жия благода́ти.

Кондак храма

Кондак праздника/святого

Кондак мч. Вонифатия Тарсийского, глас 4

**Свяще́ние непоро́чное самово́льне Тебе́ привéл еси́,/ И́же от Де́вы тебе́ ра́ди роди́тися хотя́щему,// свя́те венче́носче, премúдре Вонифáтие
Сла́ва Отцу́, и Сы́ну, и Свято́му Ду́ху.**

Кондак за умерших, глас 8

Со святы́ми упоко́й,/ Христé,/ ду́ши раб Тво́их,/ иде́же несть болéзнь, ни печа́ль,/ ни воздыхáние,// но жизнь безконéчная.

И ны́не, и прísно, и во ве́ки веко́в. Ами́нь.

Кондак Пресвятой Богородице, глас 6

1 января, мч. Вонифатия Тарсийского

Предстательство христиán непосты́дное,/ ходата́йство ко
Творцу́ непреложное,/ не презри грешных молений гласы,/
но предвари́, яко Благая́, на по́мощь нас,/ ве́рно зову́щих
Ти:/ ускори́ на моли́тву и потщи́ся на умоле́ние,//
предстательствующи прісно, Богородице, чту́щих Тя.

Прокимен

Четверг. Прокимен дня

Чтец: Прокимен, глас 8: Во всю зéмлю изы́де вещание их, / и в концы́ вселён-
ныя глаго́лы их.

Лик: Во всю зéмлю изы́де вещание их, / и в концы́
вселённыя глаго́лы их.

Чтец: *Стих:* Небеса́ поведают сла́ву Бóжию, творение же руку́ Его́ возвещает
твердь.

Лик: Во всю зéмлю изы́де вещание их, / и в концы́
вселённыя глаго́лы их.

Чтец: Во всю зéмлю изы́де вещание их,

Лик: и в концы́ вселённыя глаго́лы их.

И чтец надписание Апостола: Ко Евре́ем послáния свята́го Апóстола Пáвла
чтёние.

И паки диакон: Вóннем.

Зачало 326 В четверток 30-я недели. (Евр.10:35-11:7)

Брати́е, не отлага́йте дерзнове́ния ва́шего, е́же има́ть мздовозда́ние вели́ко.
Терпе́ния бо има́те потре́бу, да волю́ Бóжию сотво́рше, при́мете обетова́ние.
И е́ще бо ма́ло ели́ко ели́ко, Гряды́й при́дет и не укосни́т. А пра́ведный от
ве́ры жив бу́дет, и а́ще обинётся, не благоволи́т душа́ Моя́ о нем. Мы же брати́е
не́смы обино́вения в по́гибель, но ве́ры в снабде́ние души́. Есть же ве́ра упо-
ва́емых извеще́ние, веще́й обличе́ние невидимых. В сей бо свиде́тельствова-
ни бы́ша дрéвнии. Ве́рою разумева́ем соверши́тися веко́м глаго́лом Бóжиим,
во е́же от неявля́емых ви́димым бы́ти. Ве́рою множа́йшую же́ртву Áвель па́че
Ка́ина принесé Бо́гу, е́юже свиде́тельствован бысть бы́ти пра́ведник, сви-
де́тельствующу о да́рех его́ Бо́гу, и то́ю умеры́й е́ще глаго́лет. Ве́рою Ено́х

1 января, мч. Вонифатия Тарсийского

преложён бысть не видети смёрти, и не обреташеся, зане преложí егó Бог, прёжде бо преложения егó свидетельствован бысть, яко угоди́ Бо́гу. Без véры же невозмóжно угоди́ти Бо́гу, véровати же подобает приходящему к Бо́гу, яко есть, и взыска́ющим Егó мздовоздатель быва́ет. Véрою отвёт приím Но́е, о нíхже не у бе ви́дев, и убо́явся, сотвори́ ковчег во спасение до́му своего́, ёю же осуди́ весь мир, и яже по véре пра́вды бысть наслéдник.

Чтец: Аллилу́иа. Аллилу́иа. Аллилу́иа, глас 8.

Лик: Аллилу́иа. Аллилу́иа. Аллилу́иа.

Чтец: Испове́дят небеса́ чудеса́ Твоя́, Го́споди, íбо íстину Твою́ в Це́ркви святы́х.

Лик: Аллилу́иа. Аллилу́иа. Аллилу́иа.

Чтец: Стих: Бог прославля́ем в совете святы́х.

Лик: Аллилу́иа. Аллилу́иа. Аллилу́иа.

Причастны

Во всю зéмлю изы́де веща́ние их, и в концы́ вселённыя глаго́лы их.

Аллилу́иа. Аллилу́иа. Аллилу́иа.